

2 Korinti

Pauloŋo Papia Etke Iwa Qe More Korinti Doku Tau Tau Magu Ebonge

¹ Anutu eŋine wetinane Paulo na Yesu Kristo wane aposolo okane more urata mamaile, iwa makalane neu biranange, so kimaze Timoti mali malipze weku.

Na kibi iwa Anutu wane doku tau tau magu Korinti matko gemami, so Anutu wane ŋei ŋerep korop Akaia kepeo ge arimami, ŋinane qemaile.

² Anutu Magaze so Waomze Yesu Kristoŋo riwe morian so wet pesek maine ŋiboniake.

Pauloŋo Anutu Bakomine Kitoke

³ Nene Anutu bakomine kitoŋem, eŋe Waomze Yesu Kristo wane Magaine, wet maep Magak eŋe Anutu, eŋano ŋine qesi qesiŋ korop ŋenano sari okanmaike! ⁴ Eŋe umat kine kineze wakonŋon okanmaike, yewao ŋene korop qesiŋŋon okanmaike. Eso ea wane ŋene eweke more ŋei natne eŋe umat kine kine maratkau, ŋene qesiŋ onikenane zonomba weku, ŋene ŋedom Anutu wano ŋine makone, yewaŋoka qesiŋ onikene.

⁵ Ea yemo, Kristoŋo ŋenane ra more, wikile zok suaine manerop dere more seukki, eŋane wikile yewaŋo ŋenane gege mageze motki rokop ŋonge, wikile ea wane yale waka eŋerop wikile wenen detmaine, so Kristorop gemaine, ea wane Anutu wane zonom kakapa manerop qesiŋŋongi, ŋene yaleka wetze peseake. ⁶ Nene wikile desikeneo,

yemo njine qesin njuniake, so gege njine wakoniake, njene wikile kutzo waki qesin njoniakeo, yemo njine yaleka wikile kutjino waki qesin njuniake, so zonom njibongi sorin gekei, so togogole mage, njene wikile detmaine, njine yewaka desikei. ⁷ Eso njene wetzeno njine togogole okorakei wane detmaine, ea mi pelekeake. Njene detmaine, yemo njene wikile detmaine, njine wikile weku yewaka detmami, so njene zonom njebongi mamaine, njine zonom yewaka mamami.

⁸ Kimakopze, njene Asia kepeo umat wakon njonge, ea wane wetjine qe lotkekenane okanmaine. Umat kutzo motkoi, eamo zok kakapa so umatne teine, ea wane njene wetze korop qorodoge ketki rakone, njene mo seukkene, no wisika gekene, eamo mi detkone. ⁹ Njene seukkenane rakoke kutzo motkoi, yale wetkekone. Tanik ea wakongi, njene welekatne zonomze mida leleke. No silun masi eano wakone more njebuki, njenze zonomgo kito gekenane mida. Njene Anutu weku detlukka more enano kito togole gekenane, Asuno jei seu seune ebuki wisikae wie okanmami. ¹⁰ Anutu ene wikile kakapa seu seuinerop ea wane meto njine makok njonge, so ban makok njoniake. So njene wetze enano more detluk kamaine, yemo ene ban koso manerop makok njoniake. ¹¹ Njine menje menjen njinenjo njene qesin njonikei, njine yale okangei, yemo njenane ra more menjen kaikei, menje menjen ea wane turunjine Anutuno mosop njoniake, yemo riwe morian, pakimo jei loutne ene ban anage more njenane Anutu oi bakom okankaikei.

Pauloŋo Korinti Ariakane Wetkeke Naso Ea Qeki Kereke

¹² Nene batneka okanmaine, yemo wet dereretzeŋo iwa yale detmaine, nene kepe iwa wane kotino gege mageze mo maineka pamaike, so tako rakotze njanoken siluŋ koso manerop koboboine, so mayakakatne pamaike. Ea mo kepe sola wane dereretko nŋine Midakaka. Ea yemo Anutu wet maep Asu wano nŋine. ¹³ Nene kibi iwa nŋine yaup mi qe nŋibonmaine, nŋine ea maine dapore more kine detlukkei wane. Na detmaile, nŋine baŋ korop detluk warekei. ¹⁴ Iwa yemo nŋine sisineka detmami, ea wane nŋine nŋenane batze maine okanikei, ŋo baŋ Waom Yesu sariake, naso yewao nene yale waka nŋinane batnŋine baŋ okanikene.

¹⁵ Na ea wane korop mo detwarekole, onokawane, na mikepka sari nŋine nŋunikalane mo wetkekole, ea yemo nŋine riwe morian atak etke maine maratkau paki wet pese desikei wane. ¹⁶ Na sari nŋunbe paki Makedonia arikalane, so koso Makedonia nŋine zinge sari nŋunbe, nŋido zonom qesiŋ nanbi paki, koso birananbi Yuda kepeo arikalane nange. ¹⁷ Na dere qekakole me, naso urata iwa makalane nange yewao? Na nae wet dereretno nŋine kepe nŋei maneŋo okanmaike yale, naso motpe paki, naso weku yewaoka eweke ikop, “O maine!”, me “Mida,” rakale me? ¹⁸ Welekatne Anutu eŋe eŋine don me dereret ea korop modat waremaike, ea wane na yale waka welekatne nŋidanbe, na don me dereret yaleka ramaile, ea mo wet etke, “O,

maine,” me “mida,” na yale mi raikale. ¹⁹ Yesu Kristo, Anutu wane Gipole eņane Don ęene ęinane keu ęino ęidangone, Silwanus, Timoti so na, eamo “O maine,” me “Mida” ea Midakaka, yemo Eņino weku ea mo naso baņem “O maine,” pa arimaike. ²⁰ Mokaka ęei kino Anutuņo Kristo eņe ma sariki paki, urata daleo mayake, ea wane done zok loutne edane sake, don ea wane weleine Yesu Kristo wano marat kamaine yemo “O maine.” Ea wane ęene eņane ra more “welekatne” ramaine, ęeli ewe zonom yemo Anutu wane. ²¹ Iwa yemo Anutu eņe oņom ęene Kristo wano ęinerop weneņ ma togole biraņongi gegeze pamaike, ea detmaine, ea yemo Anutu oņom ęene mapoke bira ęonmaike. ²² Paki, eņe eņine biņek okanikenane, eņine kibiine ęenane kutzo motke, so eņine Asuine ęenane kotozo more ęebonge, ea yemo ęado wele sariake, ea wane.

²³ ęo na siluņ koso Anutu oramaile, naņane kotonane kine detki paki, turuņine niniakane. Ea yemo ęine sese ęunikalane rawe paki, ęinano Korinti mi sari more yeine metkole. ²⁴ ęedo ęine ęei waom okanņune more raņem, ęine detlukkaikei wane mida. Onoka wane ęine mali malipko gesoke togole okoramami, ea wane ęene urata ęinerop mamaine, ęine wet pese desikei wane.

2

¹ Eso na ea wane wetne maingekole, na sarige ęunbe ęine wikile desikei rawe paki mi sarikole.

² ęo na sari wikile ęibongole, ra yemo maņo na oi bakomne okan nangi wet pesek detpe rap?

Weku wa oi bakomne okaniake ea mo noŋom wikile mangole. ³ Ea wane na kibi yewa ŋinane gekole, na ŋinano mi sarikalane nange, sarige ŋeiwa oi bakom okannangi wetne peseake, eŋe wikile mangalane ra more yeine metkole. Onoka wane, na ŋinane korop detkole, yemo naŋane oi bakomne eaŋo korop ŋinane oi bakom okanmaike. ⁴ Na kibiwa ŋinane yemo wikilerop so gom umat korop so dene doku roku mere gekole, kibi ea kau, eaŋo wetŋine maki boriakane mida. Kibi eaŋo wetŋine qelotkeki, noŋo ŋinane korop wetne zok manerop pamaike, ea desikei wane.

Nei Mane Masi Borikine Okanŋongi Turuŋine Birakene

⁵ Mane eŋe ŋei natne mataliongi wetene bori-maikeo, eŋe naka mi okannanike, eŋe siluŋ ŋine korop okanŋunike, me ŋinano ŋine natneka mane okanonike. Yewao na eŋe don togoleka okan kakalane mi nange. ⁶ ŋine ŋei loutneŋo ŋei iwa numa iwa yale okengo rokouno makoboe kakoi, ⁷ ea wane ŋine turuŋine biraka manbi paki, olale wetne ma pesekau, so eŋe wikileŋo zok misuk maŋosokkayake. ⁸ Ea wane na qebin ŋunmaile, ŋine wetŋine eŋane zok motpi payake. ⁹ Na kine iwa yale wane, kibi yewa qe ŋibongole, ŋine naso baŋem eweke more naŋane don ŋidangole, ea dere teweke ma gemami, me dale? Ea wane kine desikalane nange. ¹⁰ ŋine ŋei mane sot mane daleo okanike, eŋane turuŋine qeliŋka manikeiwo, na yalewaka eŋane turuŋine qeliŋka manikale. So na turuŋine mo qeliŋka manile, yemo ŋene koropŋo turuŋine qeliŋka manikene. So mane yemo

na njanane ra more Kristo wane kaitko turuņine qeliņka manile, ea yemo na njanane korop qesiņ njanikale. ¹¹ Onoka wane Satan esopkaki enjane isi yewano nene mi yuannone matali njanikale, ea wane. Nene Satan wane tanik manik kine kineine borikine, ea wane kine mi njanane kamaine.

Yesu Wano Kito Togolekene

¹² Kristo wane Donkisi Maine raikalane, na Troas matko ari lotkekole, ea mo Waomno nanane urata mama wane numa lalange. ¹³ No nanane dereretneņo maine mi okange, yemo iwa yale na kimane Titus yewa mi marat kakole, ea wane na enjane qeliņone koso Makedonia arikole.

¹⁴ No bakom kakapa yemo Anutu okankaikene! Iwa yale wane, Anutuņo Kristo qeinkaki Satan so enjane magu yuandongi paki njanikale qelan gege qelige enjane magu okangone, ea wane nene Kristo wane miti don ra suaekene, so enjane qelanan so zonom nene takotņongi, nene nei natne edannem don yewano sua yewao me yewao arimaikale, yemo kawat qoune simile teine ea wane qouneņo sua arimaikale, yale. ¹⁵ Iwa yale wane, nene yemo kawat qoune simile teine yale, Kristoņo Anutu wano biranonge, ea wane qouneņo sua more neiwa gege wane binjek so seu seu wane binjek wenen engumaikale. ¹⁶ Seuseu wane binjek enjane tebakau ket more seu seu qoune lele more enguki seukmami, no gege wane binjek enjane tebakau ket more gege qoune lele more, qe wirikongi gemami. Urata yaline manjo maki kopkeake? Mane midaka! ¹⁷ Nene nei zok loutneņo okan okanmami, yale mi okan okanmaine. Nei zok

loutneŋo Anutu wane don wane detpi sola wane aboŋ warage ne urataene okan okanmaike. No ŋene yemo wet qelaŋan gorop ge more Anutu wane don wane so Anutu wane kaitko Kristo wano makatake more miti ra okanmaine.

3

Tako Rakot Muselane Qelit Mamakoune

¹ Ŋene ŋine ma pese ŋunikenane, don yaline koso kiekmaine me? Me ŋei natneŋo okanmami, yale okane ŋinano lotke more ma pese qe pese kibi mane sikan ŋunmaine me? Me ŋido ŋene mane qe ŋebonmami me? ² Yale midaka, papiaze yemo ŋine. So kibi ea yemo kotoŋino mo qeqine, ŋei koropŋo ka more dapo raportne. ³ Ŋene ŋinano urata maŋem, ŋine Kristo wane papia okangoi, ea wane kine didiwo pamaike, so papia ea tidoŋo mi qeqine, eamo Anutu wisika gege, eŋane Asuŋo qeke, tape yawwine wesino mamaine yewao mida, ŋei kotoo qeke.

⁴ Wet wisika don yaline yemo Kristo wane ra more Anutu detluk kaŋem pa ŋebonmaike. ⁵ Urata wele mane ŋene ŋenzo ŋine wakonmaike, yale ra wetke okangenane zonom mane mi pa ŋebonmaike, kine kine okanŋem mena menan yemo Anutu wano ŋineka korop. ⁶ Anutuŋo ma ewekŋongi, tako rakot muselane urataine mamaine, eamo rara togon donba kibiwo qeqine ea wane urata midaka, eamo Asu wane urata. Rara togon donba kibiwo qeqine, eaŋo seu seu tebakaki sari okanmaike, ŋo Asuŋo yemo gege ŋebon okanmaike.

⁷ Rara Togon Don sogine eamo wesiwo kibi qepoke qeqine, ea seu seu wane don kisi rara, ɲo siluɲ urata eaɲo qelaɲane midaine mi pake. Ea wane Mose wane de kaitino Anutu wane qelaɲaɲɲo zok rokopke paki, Israeli ɲei eɲe deene maine mi pore kakoi. So zonom qelaɲaɲ ya-lineɲo matkine papaine mida. ⁸ Rara togon don soginane zonom qelaɲaɲ yaline pake. Pakimo daleo Miti musele, Asu wane don kisi rara, eɲe zonom qelaɲane midaine payake? Midakaka! ⁹ Mida midaine ea wane don kisiine sogine rara, ea wane urataineɲo zonom qelaɲaɲ ketkele, ɲo sot midaine oka okan wane don kisi rara, ea wane urataɲo zonom qelaɲaɲ zok wawaine. ¹⁰ Urata soginane zonom qelaɲaɲ eamo urata musele ea wane qelaɲaɲ suaineɲo qekatkaki, ɲaɲaɲe okanmaike. ¹¹ Urata sogineɲo mi pa togole payake. I Midakaka, eɲe baɲ mida leleake, ɲo qelaɲaɲ suaine sarike, eaɲo yemo Anutu wane qelaɲaɲaninerop, ea ɲene mo detmaine, urata museleɲo yemo zok manerop Anutu wane qelaɲaɲ weneɲ pa ariake.

¹² ɲenane wetzeɲo yale pamaike, ea wane urata qom ewekka ma okanmaine. ¹³ ɲene Mose yale mida, eɲe Israel ɲei edo qelaɲaɲ siu siukine ea paki, ka kaikeiwane raki paki, de kaitine motkeke. Paki, Israeli ɲei eɲe qelaɲaɲ, ea mi kau mida lele more siuke arike. ¹⁴ Pakiso, wetene welekatne siuke togolekane miti tako rakot sogineɲo kaweuenerop okange pamaike. Ea wane naso iwao eɲe miti sogine dapore more kine mi detluk okanmami. Kawet yewa yaup mi masikaniake, weku Kristo wano

takotkeu onjo maki masakaniake. ¹⁵ Ene naso iwao yaleka Mose wane Don kibi yewa dapotmami kop wetene kawet yewano qekatke okanmaike. ¹⁶ No ene wetene mainge more Waom wano kitomami, naso yewao kawet yewa siwore biraon okanmaike. ¹⁷ Iwa yemo Waom ene Asu Welaine, ea wane Waom wane Asu gemaiké, yewao wetze ewekine ge magekene. ¹⁸ Pakimo, jene koropjo de kaitze kawet midaine pamaikane, Waom wane zonom qelanjongo qe qelanjongongi maingenem sa okanmaike, pakimo Waom wane rokop okane zonom qelajan so qelanjangorop okan okanmaine.

4

Iwa Yemo Waom Asu Epane Masi.

¹ Ea wane, Anutu enjine wet peseinane urata yewa jene ra nebongane, jene urata ea maikene mi pelek okanmaine. ² Paki, sot kine kine ea gamu gamu wakoniakane sanká ra more oka okane, ea rapoke ndekka warekone. Me isi kutno ge more Anutu wane don matali qetali mama, ea mi okan okanmaine. Midaka. Nene Anutu wane kaitko miti ra qelajane more nei epáne wetene ma pesenem kineze det okanmami. ³ Paki miti don ra okanmaine, eanjo detpi kaweuenerop mane okanmaikeo, yemo sora gerepko mida lelekeiwane binjek gemami, epánoka kaweuenerop lele okanmaike. ⁴ Miti nde ndek ene kepe iwa wane nei waom, Satanjo wetene ma siukki daleo Don Maine ea wane qelajanejo kotoene ketki, Kristo ene Anutu wane rokop gemaiké ra

more Waom qeli ewe zonomine, ea ka more detkaikei. ⁵ Nene miti ranjem paki, nene nenze don mi nidan okanmaine, Yesu Kristo ene Waom, no nene yemo Yesu wane ra more ninane qelit qege nineka gemaine, yalewa nidan okanmaine. ⁶ Anutu ene mokaka kino panamanka paki rake, “Kepe qae qelanannom,” raki kepe qaeke, onjoka raki kotozo miti wane qelananno quludun laweki Kristo wane de kaitino Anutu wane qeli ewe zonom wakonlukki ka detkakone.

Paulo Ene Kine Kine Kaetneropno Wetne Mi Ma Qororonge

⁷ No silun Asu wane zonom namunine yewa, nenane kepe sola dereret mida, Anutu zonom welainano pamaike, ea wane kine wakoniakane. ⁸ Nene wikile kine kine kutno ge more silun wetze mi qorodoge ket okanmaike, qeka makarop ge more, silun mi qeirop dere ket okanmaine. ⁹ Tiko pako nebuwi, ea wane kutno ge more silun magak zua zuan mi okan okanmaine, nengu matalinon okannonbi, silun seuke mida lele mi okan okanmaine. ¹⁰ Nene yale okane more naso banjem solazo Yesu seu seuinane kibi teweke mage okanmaine, eamo Yesu gegeinane kibi yaleka solazo wakoniakane okanmaine. ¹¹ Nei ene Yesu wane ra more naso keuo naso banjem matalinone seu seuo biranon okanmami, eamo Yesu gegeinane zonomno solaze seu seune yewao wakon lukeakane yale wakonnon okanmaike. ¹² Eso ea wane mo seu seuo nenano urata mamaike, ea wanejo gegenjo ninano urata mamaike.

*Paulo Eje Waom Detlukka More Miti Urata
Wane Bau Wawa Mi Okange*

¹³ Miti sogine yewao, don iwa yale Daw-itño qeke pamaike, “Na Waom detlukka okan-mailane, miti raokanmaile.” Pakimo njene don ea wane rokopko Asunjo talenjongi, Waom detlukka okanmainane miti ra okanmaine. ¹⁴ Paki iwa yale detokanmaine, Anutu eje Waom Yesu ma wirikkaki wisikae wieke, onjo njene yalewaka Yesurop ma wirikjone more njinerop wenen enjano biranjoniake. ¹⁵ Nene yeye kine kine iwa korop yemo njinane ranjem paki, okan okanmaine, eamo iwa yale, Anutu wane mitiño sua ariki nei manerop eje dere more Anutu oi bakom suaine okankau, yewajo takot rakot pa ariake.

Kepeo Wikile So Wet Borik Ea Ketkele.

¹⁶ Eso kine ea wane njene wetze qororongi mi pelek okanmaine. Silun solaze manjo sokki kotozenjo yemo kaiwe banjem sua wie menanjo okan okanmaike. ¹⁷ Kepeo wikile so wet borikze ea mup muwine so qoiqoine yewajo qeli ewe zonom simile maine umatnerop so papa togon ma wakone njebongi, magu suaine pa njeboniake. ¹⁸ So kine kine tingo pamaike, yewao mida, kine kine san pamaike, yewao pore kalilip kanjem, ea wakone njeboniake. Kine kine denjo kakaine enjo mida midaine, njo kine kine denjo mi kakaine eamo papa togon pa ariake.

5

*Kiseze Sogine Barakki Waomjo Mat Togole
Musele Mane Ma Wakone Neboniake*

¹ Nene iwa yale detmaine, kepeo gemaine, ea wane sola kiseze ea barake qake ketki, Waomño solaze mat urum togogole mane qeliwo gekenane ma wakone ñeboniake, sola ea ñei metenjo mi mamaine, qeliwo gege togon mat. ² Pakimo, ñene ea wane qeliwo ñine gege mat yewa biraki ket qorot ñoniakane similenjongi tomaka gemaine. ³ Yewa qorot ñoniake, yemo onja onjaze lawam mi geki kaikei. ⁴ Nene sola kisezo gekene rokop yainj mainj okane wikile dere ge okanmaine, yemo ñene sola kiseze sogine kito qokkenane mi ñon okanmaike, ea paki, koso kutno sola kiseze musele biranem kesiakane ñon okanmaike. Paki seu seu wane binjek oka okane, ea gegenjo qotkayakane ra okanmaine. ⁵ Anutu enje kine kine yewa wakon ñoniakane mauluke ñebonge, paki enje Asuine yaup lewine midaine korop enjane binjek ñebonge.

Iwa Kulit Kepeo Gemaine

⁶ Ea wane ñene dere eweke more gemaine paki, iwa yale detmaine, kepe solanjo matze nagaine okangi gemaine, eamo Waom zuanka more kulit kepeo gemaine. ⁷ Naso iwao yemo wetnjo kine kine detlukka malipka gege eaka pamaike, ño wele denjo kaka eamo midaka. ⁸ Njo silunj dere ewekmaine paki solarop kulit kepeo gege i qelige more magak matzo Waom gorop gege ea wane similenjon okanmaike. ⁹ Paki gege ea, magak mat qeliwo me kulit kepeo iwa gekene, eamo bororom genjem Waomño ñongi menageake. ¹⁰ Nene ea wane detmaine, gemage ñene koropka Kristo wane don rako rakok wane metmet osino lewagenjem, solarop ge more kine

kine ma qot okangone, maine me borikine, ea wane turuņine bonep bonep mainge ņeboniake.

Kristo Wane Ra More Anuturop Kima Okangone

¹¹ ņene Waom ewine kito more gekenane raraine, ea dere more ņei edane kito ma peseon okanon okanmaine. Yale okanņem, Anutuņo kotozane kine detluk okanmaike, so na detmaile, wetņineņo naņane kine yaleka ņidangi det okanmami. ¹² ņene yale raņem detpi, ņene soringe more ma pese qe pese don ramaine, yale mi okaniake, ņene yaup ņidane mauluk okanmaine, ņenane masi kau paki, Anutu wane bakom kitokei, pakimo ņine ņei natne kotoene sap saune wele midaine geu paki, solaokengo kine kine kepe wane aboņ, ea waneka sola mawa mawa okan okanmami, eņe don yewa edane more qekat ņonikei. ¹³ ņene wetze siukmaikeo yemo, Anutu uratainane ra more wet siuk okanmaike, me wetze ululuņ pamaikeo yemo, ņine mitirop okangei wane ra more yale pa okanmaike. ¹⁴ Kristo wane wet maepņo kotoze warekamaike, ea wane qe more iwa yale det okanmaine. ņei wekuņo ņei korop ņenane turuņzane ra more seukke, eaņo yemo ņei koropņo eņerop weneņ seukkone okanmaike. ¹⁵ Eņe ņei korop ņenane turuņzane seukke, ea wane gege eamo ņene ņenzane mida, turuņzane ra more seukki, koso Anutuņo ma wirikkaki wisikae wieke eņane ra more gekene.

¹⁶ Iwa yemo miti nasoo sola tanikka gege soginoken aeke more detnagu detnagu ea maine mi

okanikei. So Kristo eņe yaleka alakan sola tanik manikine kaņem paki, detka more mapit kakone, ea wane rokop naso iwao koso mi okanikene. ¹⁷ Ea wane ņei mane Kristo wano takot kemaikēo, eņe ņei kine mane okanmaike. Masi tanik kine kine sogine eamo siukkimo, kine kine museleno sari wakon mange. ¹⁸ Kine kine korop iwa yemo Anutu wane masi, oņo Kristo wane ra more ņabao ņene main ņongi paki, eņine kimakoune ņebuke. Pakiso, ņene kima natne ebukenane, kima ebu ebu ea wane don kisi raņem sua ariakane urata ra ņebonge. ¹⁹ Nenane don yemo yale, Anutu eņe Kristo wano kito more ņei korop kima ebuwareke, Anutu eņe ņei borikineene qelingi mi pa ebonge, eņe turuņene qelingē. Pakiso, eņe daleo ebu more kima okanonge, ea wane kima oka okan wane don ra wakone ņebonge, iwa pamaikē.

²⁰ Ea wane ņene Kristo wane siron qeņeņo Anutu wane ra ma ewek don ņidan okanmaine. Kristo wane tungo ņene meņenņune ramaine, ņine Anuturop kima kima okanikei. ²¹ Kristo eņe borikine mane mi detke, ņo siluņ Anutuņo ņenane ra more borikino birakake, eamo ņedo Kristorop qeturage more Anutu ware gege koboboine maine gekenane yale okange.

6

Paulo Eņe Anutu Wane ņei Kine Kine Loutne Okane Ari More Kineine Ma Qelanange

¹ Anuturop urata qeturage weku mamaine, ņedo naņ ņingu more ramaine, yemo ņine Anutu

wano njine dan gunut makoi, ea qeligeu wele midaine mi okaniake. ² Ea wane Anutu wane Papiarjo ramaike,

“Na naso maine njibongole, eao detnjungole, pakiso njibu njibu kaiwe naso yewao qesinj njungole.” Kau, iwa mo Anutujo maine rake, ea wane naso, enane dangunut maikai, so iwa mo mena menan ea wane kaiwe naso maine.

³ Nene nei ene urata mamaze mi qaisik kaikei, ea wane numa mi lejon okanmaine. ⁴ Nene Anutu wane urata nei gemaine, ea wane kine ma qelajane more kine kine iwa yale okane ari okanmaine. Wikile koto wet pesek ge okanmaine, njette njette kutno ge okanmaine, matali qetali njebuwi ea wane kutno ge okanmaine, kaet kotino ge okanmaine. ⁵ Kumunamjo njengu okanmami, mulapko biranon okanmami, njaba keuo ge okanmaine, urata togole ma more wikile det okanmaine, kulu mi papa ruo wisika ge okanmaine, paki njarawane seuk okanmaine. ⁶ Sot midaine ge okanmaine, wet dereret korop ge okanmaine, wet peseko ge okanmaine, kima maulukon okanmaine, Asu Koboboinerop ge okanmaine, paki njene Anutu wane urata nei gemaine ea wane kine njenane wet maep wele ea sikanon okanmaine. ⁷ Don wele ra okanmaine, so Anutu wane zonomgo ge okanmaine. Nene koboboine eanjo miti wane tebe zaun leleki wongo so kanao wenen ma ge okanmaine. ⁸ Ewe kito kito so ewe mabaik koto ge okanmaine, don maine so don borikinane kotino ge okanmaine. Nene isi nei njedorau, njene don welekatne ra okanmaine.

⁹ Kineze mi detkamami, ño siluñ kisize koropño det okanami, seu seune, ño siluñ wisikae ge okanmaine, ñengu matali ñonmami, ño siluñ mi seuk okanmaine. ¹⁰ Wet borik okanñongoi, ño siluñ naso bañem wet peseko ge okanmaine, abonze midaine gemaine, ño siluñ ñei loutne qesiñon okanmaine, ñene yeye kine kineze midaine, ño siluñ morian gorop ge okanmaine.

¹¹ O Korinti ñei, wetze ñinaneka zok okoraki añaže ewekmaike. ¹² Ñenane wetzeño togogole ñine luk ñunmaine, ño ñinane wet maepñineño yemo nigatneka pamaike. ¹³ Ea wane dokone na ñidanbe, ñine turuñine mainge more ñine korop wetñine suaine motpi ñenano payake.

Qelañ Tanik Manik Ea Wane Girem Don

¹⁴ Qelañ ñei eñe wañemene tewekeu, ñine eñe misuk qesiñone more tewekkei. Maine so borikine ere daleo kima okanikeik? Me qelañan so panaman ere daleo weku takot nagukeik? ¹⁵ Me Kristo so ñei borikine ere daleo wet weku okangeik? Me doku tau tau so qelañ eñe daleo qeturangei? ¹⁶ Me Anutu wane Bakom Urum so loppio ere daleo tako rakot okangeik? Detmami, Anutu gegeinerop eñane urum yemo ñene. Anutu oñom iwa yale rake,

“Na bañ eñane keuo gekale, so ari sari okangale, so na bañ eñane Anutu okangale, eso eñe bañ nañane ñei ñerep okane gekei.” ¹⁷ Ea wane Waomño ramaike,

“Ñine eñe qeliñonikei, pakiso eñe biraone toitoine gekei. So kine kine diinerop, ea mane mi uakaik, eso na bañ ñine ñibukale. ¹⁸ Paki

na ban ñinane Magañine okanikale, eso ñine ban nanane gipolekopne so boraso kopne okanikei, Waom Togogoleño don yale ramaike.”

7

¹ Ea wane kima maep kopne, kine kine yalinane Anutuño biñek qe ñebo ñebonane ñene maine kine kine qotkoinerño koto so solazo maki sigile okanmaike, ea sauk walalakkene, so Anutu ewine kito more kotoze qelanangorop gekene.

Paulo, Eñe Korinti Matkoñine Kisi Dere More Wetine Menañge

² Ñine kotoñine misuk mawaluke ñebongi. Ñene masi kine kine borikine ñinano mane mi okangone, ñene ñine matali qetali mi okan ñungone, me kine kine mane yaup mi makone.

³ Na don iwa ñinane detpe boriki mi ramaile, na mo alakan ñidanile, ñene wetzerño lukñunmaine, eamo ñinerop wenerñ gekenane me seukkenane.

⁴ Na wetnerño ñinaneka zok motpe paki, manerop ra ewek ma ñunmaile, Na wetne zok ma pese pesenane, wikile kine kine kotino wetpese zok suaine detmaile.

⁵ Ñene Makedonia kepeo sari lotke more yaleka daleo kito peseluke geñem rap. Iwa solaoken kawali so kotooken kaet, kine kine yewaño wakone qepok mapok okan ñongi gekone.

⁶ Wanap magunut onmaike, Anutu, oño yemo siluñ ñenane kito pese qe pesezane Titus birakaki zingeke. ⁷ So eñe zingeke ea waneka mida, ñine wet menañ don olatkoi, ea masariki dere

more wetze peseke. So na detnane gemami, so qom borik korop ge okanmami, so nanane ra more uratanine qesinƙau paki sorin borin okan okanmami, ea nolatki wet pese suaine detkole.

⁸ Na alakan kibi mane qe njibone more, qom wikile ma wakone njibongole, ea wane wetne mi borimaiké. Qe njibongole, naso nigatne yewao eamo welekatne wetne boriké. ⁹ Pakimo iwa yemo wet pesék detmaile, eamo njine zok wikile detkoi, ea wane midaka, qom wikileño njinano wet mai main ma wakonge, ea wane qomne menanmaiké. Anutu dereretinane rokopko qom wikile mayakatne detkoi, wane njenane donzeno mi matali njunge. ¹⁰ Qom wikile mayakatne yewano wet mai main ma wakongi nei menangene, paki qom wikile yaline maratƙayakeno ndo ea wane mi detki boriaké. No qom wikile sigitne me diinerop, nei dereret wane rokopko wakon okanmaiké, eano yemo wet qelan mawakongi seu seu maratƙaikene. ¹¹ Kau! Anutuno njinane qom wikile njine mayakakatne ea wane njinano wele zok manerop ma wakonge, yemo ewe ewek, kine ma wakon ma wakon, borikine mapapka mapapka, kaet qeli qelin, dere worik, sorin borin, makoboe makoboe! Kine kine yale ma wakonge, pakimo njinano borikine motke motke, so qesi qesin mi pamaiké, ea wane kine tingo wakonge.

¹² Eso Na kibi yewa qe njibongole, yemo nei borikine make, ea wane midaka, me borikine okan onge enane midaka, don njidanjem Anutu wane kaitko njenano ana tewe tewek njinane kine

wakoniake, ea wane qe njibongole. ¹³ Eso njine yale okanbi paki wetze ma pesekoi.

So wetze ma pesekoi eaka midaka, njine koropno Titusi qesinja more wet pese okankau zingeki njene zok manerop detjem menanje. ¹⁴ Na alakan solanjine mawa more Titus olatkole, don yewa isi mi okange. Njine don njidanbe welerop okanwareke, yalewaka njine mawanjune more Titus don olatkole ea yaleka weleropka okange. ¹⁵ Titusi enje njinano uki njine ewine kitou paki anjaine tewekkoi, enje ea wane wetkeki paki wetinejo njinane zok okan kamaike. ¹⁶ Na wetne menanjmaike, yemo njinane rawe paki dere qeka midaine maine gekale.

8

Makedonia Doku Tau Tau Magu Enjano Qom Ewek Zok Pake

¹ Kimakop, Makedonia kepeo doku tau tau magu enjano Anutu wane morian wakonge, ea wane njidanjem detpi. ² Eje njetne njetne kotino ge more ma zuanj okane ket qeqine gemami, no siluj miti wane oi bakom zok kakapa pa ebonmaikane wet pese wane wesi natne matuzupkekoi. ³ Na enjane detlukmaile, enje enjene wetenane eweke more zonomenane rokop motkoi, so rokop ea yuanka more qewa motkoi. ⁴ Nedo mi ra onjem, enje edom tale njone more miti nei enjane wet pese wane kine kine maratka more qesinj nongei wane rakoi. ⁵ Pakiso, kine kine ewekine okanikei ranjem mo enje iwa yale okangoi, Enje lewine ko-toene Waom sunka mangoi, pakiso njene wenenj

Anutu wane ra more yaleka sunka nebongoi. ⁶ Ene yale okangoi, wane Titusijo njano wetpese urata maki paki sotakine qelingi pake, yewa maki goeyakane ra manmaine. ⁷ Pakimo njine mali malip so miti rara, so miti wane kine detpi qoe qoe, so urata wane sorin borin oka okan, so wet maep okanjon okanjon, kine kine yalinane wele zok marat kakoi, wane wet menan wesi raraine ea wane yaleka ewekkei.

⁸ Na qebinjune more mi ramaile, dereret natne enano ewe ewek wakonge, pakimo njano wet maep rokop dalino pamaike, ea wane kine wakoniakane ramaile. ⁹ Njine Waomze Yesu Kristo mauluk maulukinane det okanmami, ene riwe morianine kakapanjo njinane ra more awa abonjine midaine okange, yewa yemo ene madu so abonjine midaine yale, eano raki njine riwe morian gorop okangei wane ra more yale okange.

¹⁰ Pakimo iwa mo don mane njidanmaile, ea tewekeu welerop okaniake. Njine koma qei bano wesi esatka qeturangei wane eweke more kieke motkoi. ¹¹ Yewa mo iwaka takotke more motwareu ewe ewekjinane wele kine kine pa njibonmaike, ea wane rokop wakoniake. ¹² Kine kine qom ewek okane mot mot, ea wane dere menan wakoniake, kine kine mot mot ea mo mane ene mere manmaike ea wane rokop mosi-ake, mi mere manmaike, ea wane rokop misuk mosiake.

¹³ Na qom ewek wane kine kine mot mot wane ramaile, iwa yemo nei natne ene sola pesek geu njidoka gereune qenagare wikile desikeiwane midaka. ¹⁴ Njinane abonj morianjo naso iwao

enane bodi mogatki ariki kine kine rokop wekuka wakoniakane raraine, pakimo gemage, naso maneo enane morianjo ninane bodi mogatki ariki ninano rokop weku yaleka wakone niboniake.

¹⁵ Ea wane Anutu wane Papiiao iwa yale qeqine, “Naiwa zok loutne peikke ene morian zok mi pa mange, no neiwa manjo etkemde peikke ene bodi mi maratcake, magu etke rokoune maratcakei.”

Titusi So Kimatkine Mauluk Onikeiwane Don

¹⁶ Anutu bakomine kitojem, ene Titus ma ewekkaki, nene qomzenjo ninane ewekmaike rokop yewaka enane qomino wakon kamaike.

¹⁷ Ea yemo nedo uyakane olatjem detke ea waneka midaka, enjine wetinane eweklukki paki uyakane okanmaike. ¹⁸ So enjerop nene kimaze mane ene doku tau tau magu enane keuo ge more Miti Don Maine ra edangi detpi menaŋ okanmaike, ene wenenj talekanjem umamik. ¹⁹ So weku eaka midaka, doku tau tau magu edo nei yewa ene wet menaŋ wesi mama wane nene qesin ŋoniakane ma wakon kakoi. Urata iwa Waom ewine kito more qom ewek zane mamaine.

²⁰ Ra siuk okanbi paki yaup wane dere worik ŋonikei wane ra more wesi yewa denjo de ka more ware nangunem paki, ma qeturanj okanmaine. ²¹ Nene kine kine okanjem, Waomjoka detki nenane menageakane midaka, neiŋo yaleka nenane wenenj detpi menageakane ra okanmaine.

²² Eso nene ererop kimaze mane wenenj birakanjem umami, nei ea nene naso natno liwekka kanjem sorin borininane kine wakonge,

iwa yemo ñine wet pese detpi paki sorin gemaiké. ²³ Eso ñine Titus wane mo detmami, eñe nanjane kima qesi qesiñe, ñere weneñ urata mama ñei etke ñine gemaite, so kimatkeze erane yaleka detmami, ere doku tau tau magu edo biraotmami, eñane qelit ñei eñe Kristo wane qeli ewe zonom sikanonmami. ²⁴ Ea wane ñene ñine ma walakñun okanmaine, ea wane don iwa welerop okaniakane, ñei yalinenjo uwi kima ebu maulukonbi, doku tau tau natne eñe desikei.

9

Doku Tau Tau Kimakopene Wesi More Qesijonikei Wane Edange

¹ Yuda miti ñei maulukone more wesi ebonikei wane, ea mo maine detmami, ea wane daleo zok qe ñibonikale. ² Iwamo na detmaile Akaia doku tau tau magu ñine koma qei bano wesi maratka more qeturañ ea kiekkoi, na don kisi ea Makedonia ñei edanbe, ñei natne korop eñe ñinane sorin borin so togole togole ñinane kisi detpi qomene kitoke. ³ Ñene mawalak ñungone yewano wele midaine okaniakane na kimakopne biraonbe uwi ñine siluñ na rakole yale waka kine kine okan onikei wane ewekkei. ⁴ Na Makedonia ñei eñerop weneñ uñem ñine wesi mot mot wane ñañaekeiwo, eñe kau don yewa wele midaine okangi ñine so na weneñ gamu kutzo wayake, paki ñine koso mane mi mauluk ñunikene. ⁵ Ea wane kimakopne raonbe alakane umami. U lotkeu qom menañ wesi mosikeiwane nolatkoi, ea lewine ma qeturage motpi mesiake. Eamo aña

togon wesi midaka, mitiwane qom menaŋ wesi, sikanonikei.

Qomi Qomineka Kine Kine Mot Mot Me Oka Okan Ea Wane Anutuŋo Detki Menan Okanmaike

⁶ So iwa yale desikei, Mane eŋe waet ewekine ebosiake eŋe wele ewekineka mane qene okaniake, ŋo mane eŋe waet loutne ebosiake eŋe wele loutne mane qene okaniake. ⁷ Ea wane iwa yale okanwarekei. Mane eŋe qomne bapene mi raki paki kine kineine qom ewekinane rokopko mosiake, qebi qebingo me aŋa togon wane midaka. Kine kine yaup qomne bapne mi raki paki mosiake, ŋei yaline eŋane Anutuŋo detki simileka okanmaike. ⁸ So Anutu eŋe zonom welainenjo qom ewekinane mosop ŋungi morian wakone ŋibongi ŋinŋine mane qene okane ge more urata kine kine maine maikēi wane kine kine mane mi zuanŋei. ⁹ Ea wane Anutu wane Papiao iwa yale qeqine,

“Eŋe ma pororoke damo qe abonene midaine ebon okanmaike, eŋane mayakatneinenjo papa togon pa ariake.” ¹⁰ Eŋe ŋei waet ma wakone ebongi qe met okan okanmami so wele ma wakone ebongi ma ne okan okanmami, Anutu eŋe ŋine yaleka qe met okanikei wane, waet ma wakone ŋibone more mosopkaki qom ewekŋinane wele wakone sua leule okaniake. ¹¹ Pakimo riwe morian gorop okane, ŋei abonene midaine kito qesiŋ okan okanikei, eŋe ŋenane ra more Anutu bakom mawa mawa okankaikei. ¹² ŋine miti ŋei wet pese kine kine okanonbi, eaŋo bodi ŋine esop kayake,

eaka midaka, eaŋo bakom mawa mawa ea wane morian ma wakongi, Anutu wane okaniake. ¹³ Njine Kristo wane miti don dere tewek okan okanmami, ea wane kine wet pesek kine kinenjineŋo ma wakongi miti ŋei so doku tau tau magu natne korop eŋerop kima kima tako rakotŋine wakongi, eŋe baŋ Anutu mawakaikai. ¹⁴ So ŋinano Anutu mitiinane wele wakone sua leule okanmaikane, weteneŋo lukŋune more Anutu meŋenkaikai. ¹⁵ Nene Anutu wane bakom maine mi ra wakonikene, yaup welelepke more mawakanjem!

10

Paulo Miti Uratainane Iretke More Don Rake

¹ Iwa na Paulo noŋo Kristo qom menaŋinane so wet peseinane ŋidanbe detpi. Natneŋo naŋane iwa yale ra okanmami. Eŋe iwa sari ge more kima don okanŋon okanmaike, ŋo eriwa ari ge more kawali don okanŋon okanmaike. ² Na ŋinano u ge more, kawali don ŋidanikalane mi qebin nanikei, natneŋo naŋane solaoken ea wane biŋek gemaikane, yale ra okanmami, ŋei yewa eŋe yemo kawali don maine edanikalane wetne ewek okanmaikane. ³ Nene solarop kepeo gege i welekatne ge okanmaine, ŋo kawalirop qeli wane gege yemo sola waneŋo mi ge okanmaine. ⁴ Nene tebe bim ba kawali qekenane ma qe okanmaine, yemo kepeo ŋine midaka. Yemo Anutu wanoŋine tebe bim zonomine togogole, eaŋo ŋaba wane sen turon togogole kito ra barakenjem ari okanmaike, so isi kine kineinane ŋetne kitipke rape seŋem

ket okanmaike. ⁵ Nene aña sorañ, wawaine me isisi don kine kine, yewaño Anutu wane don yuanka okanmaike, yewa qe ra zoratkenjem ket okanmaike, paki nene dereret kine kine korop, yewaño Kristo wane aña tewe tewek ka wako-niakane, wokomka okanmaine ⁶ Ea wane nene Kristo so nenanane aña don tewekeu kamaine, yewao nei natneño aña mi tewekeu, ea sot turunene ebonnem kaikei.

⁷ Nine solaokengo yeye kine kine yauwine ea wane detpi wele okan okanmaike, ninano nene nei mane ene enjanane detki Kristo wane nei wele okan okanmaikeo, iwa yale desiake. Ene wekuño Kristo wane nei mi ge okanmaike, nene koropño Kristo wane neikouneka ge okanmaine. ⁸ So eaka mida, Waomño Aposolo urata makenane zonom nebonge, ea wane mawa mawa don manerop raikaleo, na ea wane gamu kutno mi wayake, zonom yemo ninano urata manjem nibu kesiakane mida, nibu wieki menangei wane nebonge. ⁹ Na papiao kibi qe nibon okanmaile, ea wane detpi kaet donka mi okaniake. ¹⁰ Nei natneño nanane iwa yale ra okanmami, “Paulo donine gereunerop so togogole qe nebon okanmaike, no solaineno nenerop wenenj gemaikao, yemo zonomine midaine, so don raraineno yemo ketkele.” ¹¹ Nei yaline enane iwa yale rawe desikei, nene abaran genjem paki kibi qe nibon okanmaine, rokop yalewaka keunine genjem paki don nidan okanmaine.

Urata Wane Sola Mawa Mi Gekene

¹² Nei sola mawa ge okanmami, ηene yalinenjo enano takotke more rokop weku maine mi okan-gene. Nei yewa eje natne ηenane okane mamaze ea wane mi wetkeu paki enηenaneka ra more sola mawa mawa don zauη zauη ra okanmami.

¹³ No ηene yemo Anutuηo urata wane rokop more ηebonge, yale ma umage ηinano lotkekone, ea wane dere more mawa mawa don ra okanmaine, ηo rokop midaine, yaup rara eamo mi okan okan-maine. ¹⁴ Uratazane zawoine yemo welekatne ηinano pamaike, ηene uratazane rokop yewa mi ra sua okanmaine, ηedo lewine ηinano lotke more Kristo wane Miti Don Maine mikepka ηidangone.

¹⁵ Nene ηei natne enane uratao kobu waket okora more sola mawa mawa don qazan rara ea mi okan okanmaine. No ηenane wetzenjo wetke-maine yemo iwa yale, ηinane mali malipηine sua kakapa lele ariki, ηenane urataze ηinane keuo mamaine eanjo takotke sua ariake. ¹⁶ Paki ηene Miti Don Maine yewa kepe natne natne ηinane ηadenjino yewao maine edane arikene, so ηei mane wane urataine kepe mane make, wele ea wane welaine okangi, so sola mawa mawa yemo mi okanikene.

¹⁷ “No mane eje sola me kine kine mane mawa mawa don rawe, raso yemo Waom wane ra more raki menageake.” ¹⁸ Mane eje enine solaine mawa kaki, eje mi menanmaike, raikene. Waomηo eje mawa kaki, eje welekatne mo menanmaike raikene.

Pauloŋo So Aposolo Isisine

¹ Njine detnanbi, na qelaŋ don nigatne njidanbe, siluŋ maine detnanikei me? ² Na njinane ra more sorin borin okan okanmaile, so sorin borin donne ea yemo Anutu wano njine. Njine yemo njerep natewen mane koboboine nej wekurop aukei yale, noŋo Kristo wane biŋekkoune okane eŋeropka weku koboboine gekei wane maturanŋ njungole. ³ No siluŋ dere mezet okanmaile, yemo komaŋo Ewe borikinane isikaki pelekke, masi yalewaka njinano wakongi wet dereretnjine wiri-ake, pakimo tanik manik libekaka okane more Kristo waneka dere gege eamo baŋ qeliŋgei, na ea wane kaet nanmaike. ⁴ Onoka wane, njinano nej manejo lotkeakeo, Yesu wane kine njene njidan okanmaine, yewa eje njidaniake midaka, oŋo tanikine mane njidaniake, so Asu njenano njine makoi, yewa midaka, eje kunenjine mane njiboniake, so Miti Don njedo njidanjem detkoi, yewa midaka, eje wetne mane njidaniakeo, yewa njine mi rawetkau paki detpi zok menageake!

⁵ Na detmaile, yemo noŋo nigatne njinane “aposolo” natne eŋane ketkele mi okanmaile. ⁶ Welekatne na miti gereunerop mi mane ra okanmaile, ŋo siluŋ miti wane kine dereret yemo det okanmaile. Nene numa kine kine ma okangone yewa korop njine sikannun warekone.

⁷ Na Anutu wane Miti don Maine njidangole, naso yewao na ea wane lewine qole nanikei wane mi rakole. Na yale okanbe paki nae ma ket bira nagu more njine njibu wiekole, na yale okanbe borike me? ⁸ Na njinano miti urata makalane,

yemo welekatne doku tau tau magu mat natne edo wesi abonj ninbi ebu makole, yale okangole, eaŋo yemo yaup oma ongole yale okanmaike, ŋo yemo ŋine qesiŋ ŋunikalane okangole. ⁹ So na ŋinerop gekole, naso yewao na wesi abonj wane zuagewe paki, ŋido qesiŋ nanikeiwane ra meŋen mi okan ŋungole. Na ma zuaŋ okane gewe kimakopne Makedonia kepeo ŋine sarikoi, edo yeye kine kine zuangole, yewa korop ma sari qesiŋ nangoi. Na ŋinano yaup gewe, ŋine naŋane wikile mi detkoi, yale waka ŋado naŋane wikile mi desikei. ¹⁰ Kristo wane don wele eaŋo naŋano pamaike, yalewa wanemo welekatne Akaia loli lolik korop ŋinano ŋine abonj wane, ŋei manenjo naŋane mawa mawa donne ea mane mi maket birananiake. ¹¹ Eso na onoka wane don iwa ramaile? Na ŋinane mi nanmaike ea wane me? Midaka! Anutuŋo detmaike, na ŋinane nanmaike!

¹² So na masi iwa okanmaile, ea baŋ takotke yale okane arikale. Yale okane more ŋei natne leŋonbe, eŋe numa natne maratkau paki, eŋe ŋene urata mamaine, ea wane rokopka mamaine rau paki, ŋei natne eŋane kaitko mawa nagukei wane qesi qesiŋenane numa qekakei. ¹³ Eamo iwa yale, ŋei yaline eŋe aposolo wele Midakaka! Eŋe aposolo isisine, eŋe urata kakienane isiu paki tanik manikene ea maingeu, solaeneno onbi Kristo wane aposolo wele okan okanmaike. ¹⁴ So ŋine ea wane oŋaŋine misuk qaeake! Satan eŋe yaleka oŋomka solaine qeingekei kau, aŋelo qelaŋan gorop eŋane rokop okaniake! ¹⁵ Eso yalinane eŋane qelit ŋeikoune eŋe ŋei eŋane kaiteno

edomka solaene qein gekeiwo, eje onbi miti nei koboboine enane rokop okaniake. Ea wane detpi, masi kunejine mi okaniake. Nado eje ban masi kine kineene okane ma okane gekoi, ea wane rokopko turujine marat kaikei.

Paulojo Aposolo Eje Urata Wane Umat Maratkake

¹⁶ Na rele eaka koso rawe, nei maneno nanane detki qelan misuk okaniake, no jine nanane nei qelajine norawe raso norakei, pakiso, na yaleka solane nigatne mawakaikale. ¹⁷ Na don iwa raikale yemo, Waom wane don wane rokopko mi raikale, yaup sola mawa mawa don kieke relane siluj qelan yale okane raikale. ¹⁸ Nei loutnejo sola okengo kine kine yauwine kepeo jine, ea wane sola mawa mawa don ra okanmami, wane na yaleka sola mawa mawa don rakale. ¹⁹ Yai, kine dereret jine, qelan nei natnejo masirak don njidanbi detpi menaj okanmaike! ²⁰ So jine nei maneno qelit mamakoune njibuyake, me kine kine jine njibuma ne okaniake, me isijune more njibuyake, me nei waom okan njuniake, me kaitjino njinguyake, yewa jine detpi menaj lukeake. ²¹ Na dere worikewe paki ramaile, jene ketkele, no yalewa daleo okan nunjemrap?

No nei mane eje enjane detki wawaine okangi, mawa naguayakeo, na yaleka naewane detpe waki mawanagukale. Don ramaile eamo qelan don, dere more ramaile. ²² Eje Hebru me? Na yaleka. Eje Israel me? Na yaleka. Eje Abraham wane njosa njabokoune me? Na yaleka. ²³ Eje Kristo wane urata nei me? Na yaleka no

na siluŋ qelaŋ don rawe, na Kristo wane urata ŋei rokop mane, eŋane rokop yuan waremaile. Na urata togogole mamaile, ea rokop mane, so mulap urumgo waket okanmaile, ea rokop mane, kumunam nirot okanmaike, ea rokop mane, seukkalane okan okanmaile, ea rokop mane. ²⁴ Atak 5 Yuda ŋei edo izutŋo nekuwi zaleine 39 okange. ²⁵ Atak karewe (3) kumunamŋo nekukoi, atak mane wesinŋo nekukoi. Atak (3) karewe seki wiriki kiwetko ket more kaiwe weku so ruo weku kiwet kutno poge pakole. ²⁶ Atak loutne na numa kiroine arimaŋkole, yewao ŋaba zok marat kamaŋkole. Doku qakumgo midakalane okangole, ŋei ŋaba eŋane keuo wikile kutno gekole, Yuda ŋei kimakopne eŋane keuo wikile marat kakole, qelaŋ ŋei eŋane keuo wikile marat kakole, ŋei gege matko wikile kutno wa gekole. Kepe yaup papaine, ŋei mi gegeeno wikile kutno wa gekole. Kiwetko wikile marat kakole, miti ŋei isisine eŋane keuo wikile kutno wa gekole. ²⁷ Na urata kine kine suaine zok manerop makole, naso baŋem kulu mi papa mangole, goiŋ wisika urata mamaŋkole, ŋara doku wane seu seu, koya momoo ruru qise wise, ge more takot bilaŋket mida wane zua zuaŋ, yale okane gekole. ²⁸ So yewaka mida, kaiwe baŋem umat loutne wakongi naŋane qelit sari zeine gereune okannanbi, mat baŋem doku tau tau magu eŋane dere mezet okane ge okanmaile. ²⁹ Daleo ŋei manerŋo tik pelemek kito geki, na dere wa kitip midaine maine gekale? Daleo ŋei manerŋo qeyauki, na maine kito luke mesikale?

³⁰ Eso na mawa nagukaleo yemo, na ketkele

gemaile, yewa weku mawakawe menageake. ³¹ Anutu, Waom Yesu wane Magaine, enano bakom mawa mawa naso banjem pa ariakenjo don welekatne ramaile iwa detmaike, na isi mi ramaile. ³² Damasiko yewao nei waom Aretas wane bano ware ware onjo diam gege nei na neu luknanikei wane biraongi mat suainane madetko toe rapoke pakoi. ³³ No silun kimakopne edo kelao nakore nane more mat buroro njine kitolotkeu okorake yewaoka mulapko luke birananbi ket sen njadino kito more ware ware wane metino njine rakake arikole.

12

Paulonjo Kine Kine Kunejineka Detka Okange

¹ Na mawa mawa don rawe mi menan okanmaike, no silun raikale, yemo Waomno wetne malotkeke so wetne maingeke, ea wane donkisi rawe. ² Na Kristo wane nei mane detkamaile, ene kine kine mane ka more gemageki, koma mo 14 okanmaike, nei yewa ene Anutuño qeli wawaine yewao ma wake, na mi detmaile, ene solarop okange me sola midaine deineño mane zingeki kake, Anutuñoka weku detmaike. ³ So na detmaile, nei yewa ene qeli yewao ma wake, ene solarop okange me sola midaine okange, eamo mi detmaile, Anutuño detmaike. ⁴ So ene yewao don nei ananjo mi raraine so kepeo mi ra wakon rawakone yewa detke. ⁵ Eso na nei yewa mawa kaikale, no nae yemo mi mawa nagukale, weku ketkele gemaile, ea wane maine raikale. ⁶ Na mawa mawa don rawerap, eamo mi

borikirap, ea rawe wele okangirap, ŋo siluŋ ŋei natneŋo naŋane detpi zok wawaine okaniakane ea mi okanikale. Na kine kine ma okanmaile, so don rawe det okanmami, yewanjoka payake, ea menaŋkayake.

Sitman Wakele Yalenjo Paulo Wane Solaino Qelotke Okorake

⁷ So kine kine de kuneŋine Waomŋo sikan nangi kakole, ea wane na nae wane detpe wawaine mi okaniakane, Anutuŋo sola bikumne kotino sitman wakele yale mane motke, ea wane detpe, Satan wane qelit medep manenjo mete tabenjo weku gemaiké, yale okan okanmaiké. Eanjo neku more neu ket biranangi kotonane detpe wawaine mi okaniakane kine kine yewa more ninge. ⁸ Na atak karewe ea wane ra more Waom meŋen kakole, olatpe kine kine yewa ma biraki ariakane. ⁹ No onjo iwa yale nolatke, “Mauluk maulukneŋo rokop gan okanmaiké, so naŋane zonomŋo ŋei set pelek okan okanmami, yewao sua more ebuki qe-siŋ okanmami.” Ea wane, na zonomne midaine rawe paki, qomne mi umareake. Midaka! Na okole wenenj gemaile, wet pesek manerop ea wane dere more set pelekne mawa kaikalane, pakimo Kristo wane zonomŋo naŋano maine payake. ¹⁰ Na Kristo wane ra more zonomne midaine gekale, wikile so wet borik desikale, me neku kito okanikei, me umat kine kineŋo neuyake, me matali qetali okannanikei, me qeka maka wakon naniake, yewao na wet menaŋ det okanmaile. Na zonomne midaine naso yewaoka, wikile so wet boriko na togole okanmaile.

Paulo Aposolo Uratainane Kine Wakonge

¹¹ Na don yewa rele yemo, masirak don rele, njido qebinnanbi siluŋ rele, njine njidom solane mawakau rap yemo menangirap. Na nej yauwine gemaile, eamo det okanmaile, so na aposolokop njine wawaine enjane baneno ketkele gege yemo mi ge okanmaile. ¹² Na njinano sorin borin okane urata mawe, masi so kine kine de kunenjne so kine kine zonominerop wakone more yewaŋo na aposolo gemaile, ea wane kine ma wakonge. ¹³ Pakimo, njine ea wane doku tau tau magu kepe mat natno njine enjane ketkele mi gemami? Yaup kine kine omaknjune ne yewa weku yemo mi okan njungole. Sot yemo wekumde mane okan njungole, pakimo ea wane siluŋ turuŋne qeliŋgei.

Paulo Eje Korinti Nei Enjane Wetne Suaine Pake

¹⁴ Iwa yemo, na u njunbe, atak karewe okaniakane eweke gemaile. Umore alakan okangole yale okane more kine kine njibu ma ne i mi okanikale. Na wesi aboŋ njinane midaka. Njinjanane zok nanmaike. Njerep medep enjane naga maga kopene enjane urata ma more yeye kine kine mi teba okanmami. Midaka. Naga maga edo yemo njerep medewekopene qesiŋonikei wane urataine ma more yeye kine kine teba okanmami. ¹⁵ Na baŋ wet peseko njinane oŋa oŋaŋine menageakane rawe paki, wesi aboŋneka mida, nae gegene wenenj qikka more qesiŋ njunikale. Naŋane wetneŋo njinane zok manerop pamaike, pakimo njinane wetnjineŋo daleo naŋaneka nigatne pakep me?

¹⁶ Pakimo, ɲei natneɲo naɲane iwa yale ra okanmami. “Welekatne eɲe ɲenane yeye kine kineze didiwo ɲebu ma ɲebu ma, yemo mi okange. Ɗo sanko ɲei isione more yeye kine kineene ebu ma ebu ma, ea yemo okange mane.”

¹⁷ Pakimo daleo? Na ɲeikopne natne ɲinano biraonbe ukoi, eɲe taleonbe edo ɲinano ɲine kine kine mane ɲibuma ne okangoi me? ¹⁸ So na Titusi ɲinano uyakane qebin kakole, so doku tau tau kimane mane weneɲ birakawe eɲerop weneɲ ukoik. Pakimo, Titusiɲo u more ɲinano ɲine kine kine mane ɲibuma ne mane okanɲunge me? Eɲe so na ɲere Asu weku mi pa ɲeponmaike me? So ɲere numase weku ka mi gesoke gemaite me?

Ɗei Natneɲo Wetene Maingekei Wane Girem Edange

¹⁹ Ɗine korop wetke ramami, ɲene ɲedomka ɲinane deɲino yaup qesiɲ nagumaine, yale okanmaike me? Yale midaka. Ɗene Kristorop ge more Anutu wane kaitko don ra okanmaine, so kima maepkopne, ea wane me ea wane mida, ɲine menangei wane done ra okanmaine. ²⁰ Na kaet so dere mezet nigatne okanmaile, yemo na ɲinano u more naɲane wetko pamaike, ea mi ka more ɲunbe kine mane okanbi, detpe mi menageake, me ɲine nanbi na kine mane okanbe, detpi mi menageake. Na kaet nanmaike, yemo na baɲ ɲunbe tanik kine kine iwa yale ɲinano payake, sori sorin, dere worik, busu, wawaine, ewe mabaik, sigi qeɲe, don qeɲe, matali qetali. Na kine kine yaline ɲinano paki ukalane dere mezet okanmaile. ²¹ Na ɲinano koso ukale naso

yewao nanane Anutuŋo ban ŋinane kait ŋino gamu ningi paki, neu ket birananiake. Pakimo na ban ŋei ŋerep loutneŋo alakan borikine makoi, paki borikine diinerop makoi, yewa mi rapoke ŋadekkakoi, wenip, so bailalaŋ, ea wane eŋane aroke qom borik makalane dere mezet okanmaile.

13

Korinti Ŋei Sotene Ma Wesakkeiwane Edange

¹ Iwa yemo atak karewe ŋinano u ŋunikale. Na u lotkewe, ŋene Waom wane don me papiaŋo ramaike, ea wane rokop ŋei etke me karewe ŋo ŋei mane wane sotinane kine kine rau donine donine raikene. ² Ŋei alakane borikine makoi, so ŋei natne ŋine korop, na atak etke ŋinano uwe geŋem paki, masi daleo ŋado ŋinano makale, ea wane girem don ŋidangole. Girem don yewaka koso siluŋ iwa abaran gewe paki iwa yale ramaile, na koso ŋinano manerop ukaleo, yemo borikine mama ŋei yewa na mi sese onikale. ³ Nanane kotonon don motki ra okanmaile, Kristo, eŋane zonom wakongi kaikei wane ra okanmami, wane kaikei. Kristo eŋe urataine ŋinano pelelekatne Midakaka, zonominerop soturuŋinerop mi sesenuniake. ⁴ Onoka wane, alakan yewa mo welekatne eŋe pelekki kibenŋ qabego qeu seukke, wane iwa yemo Anutu wane zonomgo wisikae wieke zonominerop gemaikae, ŋene yaleka eŋerop makatake ge more pelek okanmaine, ŋo siluŋ koso ŋene ŋinerop weku

gemaine, ea wane Anutu wane zonomgo njene ban enjerop wenenj zonom gorop gekene.

Girem Don

⁵ Njine mali malip korop ge okanmami me mida, ea wane koto njine liwekka kau paki, kine ma wakone more njine njidomka kinenjine liwekka more detlukkei, Yesu Kristonjo koto njino gemaiké, yewa njine mi detmami me? Mi gemaiké yemo, solanjoka doku tau taune raikene ea mo mi kopkemaiké. ⁶ Nene liwe liwek eaño mi yuanjonge, ea wane kinenjine ban ka detkaiké, na det maile. ⁷ Nene Anutu mejen kamaine, onjo qesinjungi, njine masi gotkoine mane mi okaniké. Nene njonbi miti jei wele okangene me mida, njene ea wane mi ra okanmaine, njine miti don tewekeu wele okaniakane, weku ra okanmaine. ⁸ Ea wane, njene yalinenjo miti don wele yewa njaba maine mi okankaikene, nj silunj kima okankaikene, eaka weku pamaiké. ⁹ Nene zonom zuage genem, njine zonom gorop gekei yemo, njene qomze menageake. So ra makoboe qekoboe okanjunbe, njine koto njine sauke mauluk, bile sot midaine okane gekei wane, Waom mejenka okanmaine. ¹⁰ Ea wane, na iwa abaranka gewé paki, mo don iwa lewine qe njibonmaile, yemo na njinano ukale yewao Waomjo urata wane zonom ninge, ea wane gereune okan njunikalane mali malipnjine ma togole more girem don qe njibonmaile, Waomjo zonom ninge, yewano matali njunikalane mida, kito qesinj okan njunikalane ninge, ea wane na mi ukale mali

malipņine mau togoleki geu, na ban sariwe paki, don gereune mi njidangale.

Mosop Don

¹¹ Kimakopne don rawe goeki, iwa yale rawe, “Kaiwe maine” Njine numa njine maulukeu paki wet menago doku tau tau magu wele so togogole okane gekei, njine nanane don dere more koto njine sauke mauluk okane wet wekuka more gekei, njine wet weku okanware more peamgo geu, wet maep Anutu eņe peam welaineņo njinerop geake.

¹² Njine mitiwo lulu zam zam au warekei, yewano Anutu wane nej nrepe wele. ¹³ Anutu wane miti nej eņe korop njine “kaiwe maine,” njibonmami.

¹⁴ Waom Yesu Kristo wano njine wet menan, Anutu wane wet maep, so Asu Koboboinane kima wet maep eanņo njinano pawareake, O weleka!

Waom Yesu Wane Sigi Maep Don
The New Testament in the Ono Language of Papua
New Guinea
Nupela Testamen long tokples Ono long Niugini

Copyright © 1991 The Bible Society of Papua New Guinea

Language: Ono

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0. You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

PDF generated using Haiola and XeLaTeX on 11 Nov 2022 from source files dated 22 Nov 2019

646541a1-8d36-5993-802c-6bb850da5963